

# **Pertuzumab ar gyfer triniaeth neogynorthwyol o ganser y fron HER2-positif**

21 Rhagfyr 2016

## **Beth mae NICE wedi'i ddweud?**

Argymhellir pertuzumab (Perjeta), ar y cyd â trastuzumab a chemotherapi, fel triniaeth bosibl cyn llawdriniaeth ar gyfer pobl â mathau penodol o ganser y fron.

Ni ddylid ei ddefnyddio ond i drin canser y fron sy'n dderbynnydd ffactor twf pobl 2 (HER2)-positif sydd:

- yn ddatblygedig yn lleol
- yn llidiol, neu
- yn gynnar ac sy'n debygol iawn o ddychwelyd.

## **Beth mae hyn yn ei olygu i mi?**

Os oes gennych ganser y fron HER2-positif, a bod eich meddyg yn credu mai pertuzumab yw'r driniaeth gywir, dylech allu cael y driniaeth ar y GIG.

Dylai pertuzumab fod ar gael ar y GIG o fewn 3 mis.

Os nad ydych yn gymwys i gael y driniaeth a ddisgrifir uchod, dylech allu parhau i gymryd pertuzumab nes y byddwch chi a'ch meddyg yn penderfynu ei bod yn iawn i chi roi'r gorau i'w gymryd.

## **Y cyflwr a'r driniaeth**

Mae canser y fron yn digwydd pan fydd rhai o'r celloedd yn y fron yn dechrau tyfu mewn ffordd afreolus, gan ffurfio lwmp neu diwmor. Canfyddir y rhan fwyaf o ganserau'r fron yn y cam cynnar hwn, ond dros amser gall y canser ledaenu i'r rhannau o'i amgylch. Gelwir hyn yn ganser y fron sy'n ddatblygedig yn lleol.

Mae canser llidiol y fron yn llai cyffredin ond gall ledaenu'n gyflymach. Yn wahanol i ganserau eraill y fron, mae canser llidiol y fron yn effeithio ar y nodau lymff yn y fron sy'n achosi cochni a chwyddo.

Mae derbynnydd ffactor twf epidermol dynol 2, neu HER2, yn brotein sy'n helpu celloedd canser i dyfu. Mae canser HER2-positif yn cyfeirio at ganser â lefelau uchel o HER2, sy'n fwy tebygol o dyfu'n gyflymach.

Math o gyffur a elwir yn wrthgorff monoclonaid yw pertuzumab. Mae'n atal HER2 rhag gweithio'n iawn, gan helpu i arafu pa mor gyflym y mae'r canser yn tyfu.

Rhoddir triniaeth neogynorthwyol cyn llawdriniaeth er mwyn gwneud y tiwmor yn llai a gwneud llawdriniaeth yn bosibl.

Gall [NHS Choices](#) fod yn fan da i gael gwybod mwy.

Gall y sefydliadau hyn roi cyngor a chymorth i chi:

- [Breast Cancer Now](#), 0333 2070 300
- [Gofal Canser y Fron](#), 0808 800 6000
- [Breast Cancer UK](#), 0845 680 1322
- [Cymorth Canser Macmillan](#), 0800 808 0000
- [Gwybodaeth i Gleifion Ymchwil Canser y DU](#) (CancerHelp UK yn flaenorol), 0808 800 4040

Nid yw NICE yn gyfrifol am ansawdd na chywirdeb unrhyw wybodaeth neu gyngor a roddir gan y sefydliadau hyn.

ISBN: 978-1-4731-2321-2